

食人屍之鳥。耶穌不欲預洩所降之地。故言此寓意耳。猶云。我所降之所。即眾人必聚焉。

論禱王貴懇而謙

第二十二

耶穌諭眾以祈禱之功。不可倦而有間。曰。一聽斷官。上不畏主。下不畏人。有婆婦懇冤不為理。數來數麾。久之。官忽自念。我雖無所畏。亦將為判焉。免嗟我耳也。夫彼官非良牧。尚不絕此婦之求。况天主至慈。豈絕爾頻號乎。復向平日自恃而輕人者。曰。今有二人齊登聖堂祈禱。一乃發利塞俄。一乃補伯利葛諾。貪賄罪吏其學士自矜容止。禱曰。謝大王。

我不若人之偷盜無義奸姪者。又指彼人曰。我亦不若此曹。我於七日內。兩日齋。一歲之稔。獻王堂者什之一。其吏自分卑陋。遠跪堂隅。俯首擊胸。不敢仰視。惟曰。望主憐我罪人而已。斯二人者。方其初入時。則發利塞俄似潔。補伯利葛諾似污。迨既祈禱而出。則潔者污。污者潔矣。蓋上主喜謙惡傲。其自高者必抑。自卑者必掖。

因孩示訓

第二十三

耶穌講道。每有人進嬰孩。祈手撫降之福者。諸弟